

8-րդ դասարան Տևողությունը 150 րոպե Տարբերակ 1

- 1. Գրատախտակի վրա իրար հետևից գրված են 1-ից մինչև 35 բոլոր բնական թվերը։ Գտնել ստացված 12345.....333435 թվի մնացորդը 20-ի բաժանելիս։
- 2. Գրատախտակին գրված են տասը հաջորդական բնական թվեր։ Երբ այդ թվերից մեկը ջնջեցին, մնացած ինը թվերի գումարը ստացվեց 2021։ Ո՞ր բնական թիվը ջնջեցին։ Պատասխանը հիմնավորեք։
- 3. Դասարանում բացակա աշակերտների քանակը կազմում է ներկաների 1/5 մասը։ Երբ դասարանից դուրս եկավ մեկ աշակերտ՝ բացակաների քանակը կազմեց ներկաների 1/4 մասը։ Քանի՞ աշակերտ է սովորում այդ դասարանում։
- 5. ABC ուղղանկյուն եռանյկան մեջ ∠ACB=90⁰, ∠BAC=15⁰: AC կողմի վրա D կետը նշված է այնպես, որ ∠DBA=15⁰ : Ապացուցել, որ BA<4⋅BC:
- 6. Առաջին ամանում կար 30%-անոց սպիրտի լուծույթ, իսկ երկրորդ ամանում՝ 20%-անոց։ Երբ երկու ամանների լուծույթները խառնեցին ստացվեց 22%-անոց սպիրտի լուծույթ։ Երկու ամաններից որո՞ւմ եղած լուծույթն էր շատ և քանի՞ անգամ։
- 7. Գտնել x և y թվերի բոլոր արժեքները, որոնց համար ձիշտ է $x \cdot y + 1 = -x y$ հավասարությունը։
- 8. ABC եռանկյան AC կողմի վրա նշված են K և L կետերն այնպես, որ L կետը գտնվում է KC հատվածի վրա, AK=LC և AB=BK։ B կետը միացված է K և L կետերին։ BK հատվածը շարունակված է KD=BK չափով և D կետը միացված է A և C կետերին։ Հայտնի է, որ \angle ABD=52 $^{\circ}$ և \angle KDC=74 $^{\circ}$ ։ Գտնել BLA անկյան աստիձանային չափը։



8-րդ դասարան Տևողությունը 150 րոպե Տարբերակ 2

- 1. Գրատախտակի վրա իրար հետևից գրված են 1-ից մինչև 34 բոլոր բնական թվերը։ Գտնել ստացված 12345.....3334 թվի մնացորդը 25-ի բաժանելիս։
- 2. Գրատախտակին գրված են ինը հաջորդական բնական թվեր։ Երբ այդ թվերից մեկը ջնջեցին, մնացած ութ թվերի գումարը ստացվեց 2021։ Ո՞ր բնական թիվը ջնջեցին։ Պատասխանը հիմնավորեք։
- 3. Դասարանում բացակա աշակերտների քանակը կազմում է ներկաների 1/4 մասը։ Երբ դասարանից դուրս եկավ մեկ աշակերտ՝ բացակաների քանակը կազմեց ներկաների 1/3 մասը։ Քանի՞ աշակերտ է սովորում այդ դասարանում։
- 5. ABC ուղղանկյուն եռանյկան մեջ \angle ACB=90 $^{\circ}$, \angle ABC=75 $^{\circ}$: AC կողմի վրա D կետը նշված է այնպես, որ \angle DBA=15 $^{\circ}$: Ապացուցել, որ BA<4 \cdot BC:
- 6. Առաջին ամանում կար 20%-անոց սպիրտի լուծույթ, իսկ երկրորդ ամանում՝ 40%-անոց։ Երբ երկու ամանների լուծույթները խառնեցին ստացվեց 25%-անոց սպիրտի լուծույթ։ Երկու ամաններից որո՞ւմ եղած լուծույթն էր շատ և քանի՞ անգամ։
- 7. Գտնել x և y թվերի բոլոր արժեքները, որոնց համար ձիշտ է $x \cdot y + 1 = x + y$ հավասարությունը։ 8. ABC եռանկյան AC կողմի վրա նշված են K և L կետերն այնպես, որ L կետը գտնվում է KC հատվածի վրա, AK=LC և AB=BK: B կետը միացված է K և L կետերին։ BK հատվածը շարունակված է KD=BK չափով և D կետը միացված է A և C կետերին։ Հայտնի է, որ \angle ABD=54 $^{\circ}$ և \angle KDC=76 $^{\circ}$: Գտնել BLA անկյան աստիձանային չափը։



Գնահատման չափանիշներ

Գնահատման ընդհանուր կետեր

- 1. Եթե պատասխանը չի ստացվել վրիպակի պատձառով՝ հանվում է 0,5 միավոր։
- 2. Եթե պատասխանը չի ստացվել տրամաբանական սխալի պատձառով՝ հանվում է 1 միավոր։

Լուծումներ

1-ին տարբերակ

1. Նկատենք, որ $12345...3435=12345...34\cdot 100+35=12345...34\cdot 100+20+15$ ։ (1,5 միավոր) Քանի որ ստացված գումարի երկու գումարելիները բաժանվում են 20-ի, ապա գրատախտակին գրված թիվը 20-ի բաժանելիս մնացորդում կստանանք 15։ (1 միավոր)

Պատ. ՝ 15։

2. Դիցուք գրատախտակին գրված են ո, n+1, n+2, ..., n+9 տասը հաջորդական բնական թվերը։ Նրանց գումարը կլինի 10n+45։ (0,5 միավոր) Երբ այդ թվերից մեկը ջնջեն, օրինակ n+x-ը, որտեղ x-ը 0-ից 9-ը ամբողջ թվերից մեկն է, ապա մնացած ինը թվերի գումարը կլինի 9n+45-x։ (0,5 միավոր) Նկատենք, որ 9n+45 բաժանվում է 9-ի և 9n+45-x=2021։ Հետևաբար, 2021+x-ը բաժանվում է 9-ի։ Ուստի x=4 և 9n+41=2021։ Որտեղից n=220։ (1 միավոր) Հետևաբար, n+4=224։ Ջնջել են 224 բնական թիվը։ (0,5 միավոր)

Պատ.՝ 224։

3. Քանի որ բացակա աշակերտների քանակը կազմում է ներկաների 1/5 մասը, ապա ներկաները 5 անգամ ավելի շատ են, քան բացակաները։ Հետևաբար, բացակաները կազմում են դասարանի բոլոր աշակերտների 1/6 մասը։ (0,5 միավոր) Երբ դասարանից դուրս եկավ 1 աշակերտ՝ բացակաների քանակը կազմեց ներկաների 1/4 մասը, այսինքն ներկաները 4 անգամ շատ եղան, քան բացակաները։ Հետևաբար, բացակաները այդ պահին կազմեցին դասարանի բոլոր աշակերտների 1/5 մասը։ (0,5 միավոր) Ստացվում է, որ մեկ աշակերտը կազմում է դասարանի բոլոր աշակերտների 1/5-1/6=1/30 մասը։ (1 միավոր) Հետևաբար դասարանում սովորում է 30 աշակերտ։ (0,5 միավոր)

Պատ.՝ 30։

4. Նկատենք, որ

$$a^2 - 6a - 8b + b^2 + 25 = a^2 - 6a + 9 + b^2 - 8b + 16 = (a - 3)^2 + (b - 4)^2$$
: (1 միավոր) Հետևաբար, այդ գումարը հավասար կլինի 0, երբ նրա ոչբացասական գումարելիները լինեն 0։ Ուրեմն $a - 3 = 0$ և $b - 4 = 0$ ։ (1 միավոր) Հետևաբար, $a + b = 7$ ։ (0,5 միավոր)


Պատ.՝ 7։

5. Քանի որ $\angle DBA = \angle DAB = 15^\circ$, հետևաբար DB = DA։ DB-ն նշանակենք 2x, AD-ն նույնպես կլինի 2x։ (0,5 միավոր)

Նկատենք, որ $\angle BDC = \angle DBA + \angle DAB = 30^\circ$, հետևաբար ΔBDC -ից $BC = 1/2 \cdot BD = x$: (1 միավոր)

 ΔABD -ից րստ եռանկյան անհավասարության BA<BD+DA կամ BA<4· x=4· BC:

Uտացանը՝ BA<4· BC։ (1 միավոր) Ապացուցված է։



6. Դիցուք առաջին ամանում կար x միավոր լուծույթ, իսկ երկրորդ ամանում՝ y միավոր։ Լուծույթները խառնելուց հետո կունենանք x+y միավոր լուծույթ։ (0,5 միավոր) Առաջին ամանում կար 30x/100 միավոր սպիրտ, երկրորդ ամանում՝ 20y/100 միավոր սպիրտ, իսկ խառնելուց հետո կունենանք 22(x+y)/100 միավոր սպիրտ։ (0,5 միավոր)

Կազմենք հավասարում՝ 30x/100+20y/100=22(x+y)/100։ (1 միավոր) Հետևաբար, 30x+20y=22x+22y։ Որտեղից՝ 8x=2y կամ y=4x։ (0,5 միավոր)

Պատ.՝ Երկրորդ ամանի սպիրտը 4 անգամ շատ էր՝ քան առաջինինը։

7. $x \cdot y + 1 = -x - y \Leftrightarrow x \cdot y + 1 + x + y = 0 \Leftrightarrow x(y + 1) + (y + 1) = 0 \Leftrightarrow (x + 1)(y + 1) = 0$: (1 uhudnp)

Հավասարությունը տեղի կունենա, եթե արտադրիչներից գոնե մեկը հավասար է 0-ի։ (0,5 միավոր) Հետևաբար, x = -1, y - p ցանկացած թիվ է, կամ y = -1, x - p ցանկացած թիվ է։ (1 միավոր)

Պատ.՝ x=-1, y-p ցանկացած թիվ է, կամ y=-1, x-p ցանկացած թիվ է։

8. AB=BK, ուրեմն ∠BAK=∠BKA=(180°-52°)/2=64°: (0,5 միավոր)

Նկատենք, որ AL=AK+KL=LC+KL=KC, AB=KD և $\angle BAK=\angle BKA=\angle DKC$ ։ Հետևաբար, $\Delta BAL=\Delta DKC$, ըստ եռանկյունների հավասարության առաջին հայտանիշի։ (1 միավոր)

Uյստեղից՝ ∠ABL=∠KDC=74⁰։ (0,5 միավոր)

Ուրեմն, ∠BLA=180°-∠BAL-∠ABL=180°-64°-74°=42°: (0,5 միավոր)

Պատ.՝ 42º:

2-րդ տարբերակ

1. Նկատենք, որ 12345...334=12345...33·100+34=12345...33·100+25+9։ (1,5 միավոր) Քանի որ ստացված գումարի երկու գումարելիները բաժանվում են 25-ի, ապա գրատախտակին գրված թիվը 25-ի բաժանելիս մնացորդում կստանանք 9։ (1 միավոր)

Պատ.՝ 9։

2. Դիցուք գրատախտակին գրված են n, n+1, n+2, ..., n+8 ինը հաջորդական բնական թվերը։ Նրանց գումարը կլինի 9n+36։ (0,5 միավոր) Երբ այդ թվերից մեկը ջնջեն, օրինակ n+x-ը, որտեղ x-ը 0-ից 8-ը ամբողջ թվերից մեկն է, ապա մնացած ութը թվերի գումարը կլինի 8n+36-x։ (0,5 միավոր) Նկատենք, որ $2021=8\cdot252+5$, ուրեմն $8n+36-x=8\cdot252+5$, կամ 8(252-n)=31-x։ Ստացվեց, որ 31-x-ը բաժանվում է 8-ի։ (1 միավոր) Հետևաբար, x=7, 8(252-n)=24, n=249։ Ջնջել են 256 բնական թիվը։ (0,5 միավոր)

Պատ.՝ 256։

3. Քանի որ բացակա աշակերտների քանակը կազմում է ներկաների 1/4 մասը, ապա ներկաները 4 անգամ ավելի շատ են, քան բացակաները։ Հետևաբար, բացակաները կազմում են դասարանի բոլոր աշակերտների 1/5 մասը։ (0,5 միավոր) Երբ դասարանից դուրս եկավ 1 աշակերտ՝ բացակաների քանակը կազմեց ներկաների 1/3 մասը, այսինքն ներկաները 3 անգամ շատ եղան, քան բացակաները։ Հետևաբար, բացակաները այդ պահին կազմեցին դասարանի բոլոր աշակերտների 1/4 մասը։ (0,5 միավոր) Ստացվում է, որ մեկ աշակերտը կազմում է դասարանի բոլոր աշակերտների 1/4-1/5=1/20 մասը։ (1 միավոր) Հետևաբար դասարանում սովորում է 20 աշակերտ։ (0,5 միավոր)

Պատ.՝ 20։

4. Նկատենք, որ

 $a^2 + 4a - 10b + b^2 + 29 = a^2 + 4a + 4 + b^2 - 10b + 25 = (a + 2)^2 + (b - 5)^2$: (1 միավոր) Հետևաբար, այդ գումարը հավասար կլինի 0, երբ նրա ոչբացասական գումարելիները լինեն 0։ Ուրեմն a + 2 = 0 և b - 5 = 0։ (1 միավոր) Հետևաբար, a + b = 3։ (0,5 միավոր)


Պատ.՝ 3։

5. $\triangle ABC$ -ից $\angle A$ =90°- $\angle B$ =15°, հետևաբար $\angle DBA$ = $\angle DAB$ =15°: DB-ն նշանակենք 2x, AD նույնպես կլինի 2x: (0,5 միավոր)

Նկատենք, որ ∠BDC=∠DBA+ ∠DAB=30⁰, հետևաբար ΔBDC-ից BC=1/2·BD=*x*: (1 միավոր)

 ΔABD -ից ըստ եռանկյան անհավասարության BA<BD+DA կամ BA<4· x=4· BC:

Ստացանք՝ BA<4· BC։ (1 միավոր) Ապացուցված է։



6. Դիցուք առաջին ամանում կար x միավոր լուծույթ, իսկ երկրորդ ամանում՝ y միավոր։ Լուծույթները խառնելուց հետո կունենանք x+y միավոր լուծույթ։ (0,5 միավոր) Առաջին ամանում կար 20x/100 միավոր սպիրտ, երկրորդ ամանում՝ 40y/100 միավոր սպիրտ, իսկ խառնելուց հետո կունենանք 25(x+y)/100 միավոր սպիրտ։ (0,5 միավոր)

Կազմենք հավասարում՝ 20x/100+40y/100=25(x+y)/100։ (1 միավոր) Հետևաբար, 20x+40y=25x+25y։ Որտեղից՝ 5x=15y կամ x=3y։ (0,5 միավոր)

Պատ.՝ Առաջին ամանի սպիրտը 3 անգամ շատ էր՝ քան երկրորդինը։

7. $x \cdot y + 1 = x + y \Leftrightarrow x \cdot y + 1 - x - y = 0 \Leftrightarrow x(y - 1) - (y - 1) = 0 \Leftrightarrow (x - 1)(y - 1) = 0 : (1 միավոր)$ Հավասարությունը տեղի կունենա, եթե արտադրիչներից գոնե մեկը հավասար է 0-ի։ (0,5 միավոր) Հետևաբար, x = 1, y -ը ցանկացած թիվ է, կամ y = 1, x -ը ցանկացած թիվ է։ (1 միավոր) Պատ. x = 1, y - ը ցանկացած թիվ է, կամ y = 1, x -ը ցանկացած թիվ է։

8. AB=BK, ուրեմն ∠BAK=∠BKA=(1800-540)/2=630: (0,5 միավոր)

Նկատենք, որ AL=AK+KL=LC+KL=KC, AB=KD և $\angle BAK=\angle BKA=\angle DKC$ ։ Հետևաբար, $\Delta BAL=\Delta DKC$, ըստ եռանկյունների հավասարության առաջին հայտանիշի։ (1 միավոր)

Այստեղից՝ ∠ABL=∠KDC=76⁰։ (0,5 միավոր)

Ուրեմն, ∠BLA=180°-∠BAL-∠ABL=180°-63°-76°=41°: (0,5 միավոր)

Պιιιιn. 410: